

leurs épaules deux douzaines de couuertes neufues, quelques-vns treize belles arquebufes, de la pouldre, du plomb, & quelques épées plus longues, & larges, que les ordinaires; puis firent tout porter dans vne grande cabane, où plusieurs Sauvages Montagnais, Algonquins, trois de la natiõ des Sorciers, & deux Betfiamites estoient affemblés. Le Capitaine de nos costes prend la parole, au nom des Capitaines de l'Acadie, & de la Baye de Rigibouctou son parent, desquels il dit auoir commiffion de traiter la paix, affeurent qu'ils auoient tous banny de leurs cœurs l'ancienne inimité, en confirmation dequoy ils offroient tous ces presens pour témoigner leur bonne affection. [128] Simeon Boyer qui seruoit comme de truchement aux Betfiamites, répond, qu'ils acceptoient les presents, qu'ils ne feroient à l'aduenir qu'un cœur: puis fit apporter bon nombre de paquets de peaux de castors, dont il fit present. Le reste de la iournée & quelques autres fuiuantes se passerent en dances, & festins; nous esperons que cette paix contribuera beaucoup à augmenter la gloire de Dieu, veu que tous nos Sauvages semblent auoir de l'inclination à recevoir le sainct Baptesme, qu'ils recherchent comme vn fouuerain remede à leurs indispositions, & maladies. C'est ce que i'ay recognu en deux Missions que i'ay fait à l'Isle Perfée, comme aussi le Pere André Richard en celle qu'il fit ce Printemps en la Baïe des Chaleurs, & le Pere Martin Lyonnes en celle de la Baïe de Miramichi, d'où il retourna tres satisfait des Sauvages, qui se plaissent par tout à entendre parler des mysteres de nostre saincte Foy.

FIN.